

















史記抄卷之五十五

李斯傳

按李斯傳傳斯本末特佐始皇定天下變法諸事僅十之一二傳高所以亂天下而

亡秦特十之七八太史公恁地看得亡秦者高所以釀高之亂者並由斯為之此是太史公極

用意文極得大體處學者讀李斯傳不必讀秦紀矣

李斯者楚上蔡人也年少時為郡小吏見吏舍廁中鼠

食不潔近人大數驚恐之斯入倉觀倉中鼠食積粟居

大廡之下不見人犬之憂於是李斯乃歎曰人之賢不

肖譬如鼠矣在所自處耳乃從荀卿學帝王之術學已

成度楚王不足事而六國皆弱無可為建功者欲西入

秦辭於荀卿曰斯聞得時無怠今萬乘方爭時游者主

高云羨倉鼠  
之食粟便為鼠  
輩行徑即此  
一念已種滅族之  
根矣  
李斯一嘆



舊注晉人者  
晉吏人也

事今秦王欲吞天下稱帝而治此布衣馳騫之時而游  
說者之秋也處卑賤之位而計不爲者此禽鹿視肉人  
面而能彊行者耶故詒莫大於卑賤而悲莫甚於窮困  
斯志在富貴以故卒不可保  
久處卑賤之位困苦之地非世而惡利自託於無爲此  
非士之情也故斯將西說秦王矣至秦會莊襄王卒李  
斯乃求爲秦相文信侯呂不韋舍人不韋賢之任以爲  
郎李斯因以得說說秦王曰晉人者去其幾也成大功  
者在因瑕釁而遂忍之昔者秦穆公之霸終不東并六  
國者何也諸侯尚衆周德未衰故五伯迭興更尊周室  
自秦孝公以來周室卑微諸侯相兼關東爲六國秦之



論不奇却甚有  
詞鋒

乘勝役諸侯。蓋六世矣。今諸侯服秦。譬若郡縣。夫以秦之彊。大王之賢。由竈上騷。除足以滅諸侯。成帝業。為天下一統。此萬世之一時也。今怠而不急就。諸侯復彊。相聚約從。雖有黃帝之賢。不能并也。秦王乃拜斯為長史。聽其計。陰遣謀士。齎持金玉。以游說諸侯。諸侯名士。可下以財者。厚遺結之。不肯者。利劍刺之。離其君臣之計。秦王乃使其良將隨其後。秦王拜斯為客卿。會韓人鄭國來間秦。以作注溉渠。已而覺。秦宗室大臣皆言秦王曰。諸侯人來事秦者。大抵為其主游間於秦耳。請一切逐客。李斯議亦在逐中。斯乃上書曰。臣聞吏議逐客。竊

斯之本謀故摯而提之于此

斯文之上千年來所絕少者



凌約言曰不引前  
代他國事只以秦  
之先為言切實動  
聽

以爲過矣。昔繆公求士。西取由余於戎。東得百里奚於  
宛。迎蹇叔於宋。求丕豹。公孫支於晉。此五子者。不產於  
秦。而繆公用之。并國二十。遂霸西戎。孝公用商鞅之法。  
移風易俗。民以殷盛。國以富彊。百姓樂用。諸侯親服。獲  
楚魏之師。舉地千里。至今治彊。惠王用張儀之計。拔三  
川之地。西并巴蜀。北收上郡。南取漢中。包九夷。制鄢郢。  
東據成臯之險。割膏腴之壤。遂散六國之從。使之西面  
事秦。功施到今。昭王得范雎。廢穰侯。逐華陽。彊公室。杜  
私門。蠶食諸侯。使秦成帝業。此四君者。皆以客之功。此  
四君皆秦之先。更不由此觀之。客何負於秦哉。向使四君  
不聽引切實動聽



結完幸端乃入時  
事必為說已之  
偏又費許多議論  
解言者之不方  
且亦如此

却客而不內，疏士而不用，是使國無富利之實，而秦無  
疆大之名也。今陛下致昆山之玉，有隨和之寶，垂明月  
之珠，服太阿之劍，乘纖離之馬，建翠鳳之旗，樹靈鼉之  
鼓，此數寶者，秦不生一焉，而陛下說之，何也？必秦國之  
所生，然後可，則是夜光之璧，不飾朝廷；犀象之器，不為  
玩好；鄭衛之女，不充後宮，而駿良馱駟，不實外廐；江南  
金錫，不為用；西蜀丹青，不為采。所以飾後宮，充下陳，後  
娛心意，說耳目者，必出於秦，然後可，則是宛珠之簪，傅  
璣之珥，阿綳之衣，錦繡之飾，不進于前，而隨俗雅化，佳  
冶窈窕，趙女不立於側也。夫擊甕叩鈺，彈箏搏髀，而歌



呼鳴鳴快耳目者真秦之聲也。鄭衛桑間，韶虞舞象者，異國之樂也。今棄擊甕叩鐃，而就鄭衛，退彈箏而取韶虞，若是者何也？快意當前，適觀而已矣。今取人則不然，不問可否，不論曲直，非秦者去，為客者逐。然則，是所重者在乎色樂珠玉，而所輕者在乎人民也。此非所以跨海內，制諸侯之術也。臣聞地廣者粟多，國大者人衆，兵彊則士勇，是以太山不讓土壤，故能成其大；河海不擇細流，故能就其深；王者不却衆庶，故能明其德。是以地無四方，民無異國，四時充美，鬼神降福。此五帝三王之所以無敵也。今乃棄黔首以資敵國，却賓客以業諸侯。



重刊皇本紀削  
青臣頌謬

使天下之士退而不敢西向，裹足不入秦，此所謂藉寇  
兵而齎盜糧者也。又挈前議作結尾夫物不產於秦，可寶者多；士不產於  
秦，而願忠者衆。今逐客以資敵國，損民以益讐，內自虛  
而外樹怨于諸侯，求國無危，不可得也。秦王乃除逐客  
之令，復李斯官。卒用其計謀，官至廷尉。二十餘年，竟并  
天下，尊王爲皇帝。以斯爲丞相，夷郡縣，城銷其兵刃，示  
不復用。使秦無尺土之封，不立子弟爲王，功臣爲諸侯。  
真西山摘秦焚書一段本末比此篇稍詳始皇三十四年，置酒咸陽宮，博士  
僕射周青臣等頌稱始皇威德。齊人淳于越進諫曰：「臣  
聞之殷周之王，千餘歲，封子弟功臣，自爲支輔。今陛下



董仲舒說三字乃  
太史公指摘李斯  
空而交  
制好上書前西

有海內而子弟爲匹夫。卒有田常六卿之患。臣無輔弼。何以相救哉。事不師古而能長久者。非所聞也。今青臣等又面諛以重陛下過。非忠臣也。始皇下其議丞相丞相謬其說。絀其辭。乃上書曰。古者天下散亂。莫能相二。小異是以諸侯並作。語皆道古以害今。飾虛言以亂實。人善其所私學。以非上所建立。今陛下并有天下。辯白黑而定一尊。而私學乃相與非法教之制。聞令下。卽各以其私學議之。入則心非。出則巷議。非主以爲名。異趣以爲高。率群下以造謗。如此不禁。則主勢降乎上。黨與成乎下。禁之便。臣請諸有文學詩書百家語者。蠲除去之。令



高云燒詩書事  
已備見於始皇紀  
而於此付復詳載  
者以其得罪於  
先王先重兄大  
異日東族之禍不  
足以償其罪也

李斯二嘆

董份曰既知為害  
何又惡之此程三嘆

到。滿。三。十。日。弗。去。黥。為。城。旦。所。不。去。者。醫。藥。卜。筮。種。樹。  
之。書。若。有。欲。學。者。以。吏。為。師。始。皇。可。其。議。收。去。詩。書。百。  
家。之。語。以。愚。百。姓。使。天。下。無。以。古。非。今。明。法。度。定。律。令。  
皆。以。始。皇。起。同。文。畫。治。離。宮。別。館。周。徧。天。下。明。年。又。巡。  
狩。外。攘。四。夷。斯。皆。有。力。焉。斯。長。男。由。為。三。川。守。諸。男。皆。  
尚。秦。公。主。女。悉。嫁。秦。諸。公。子。三。川。守。李。由。告。歸。咸。陽。此。  
處。入。諸。親。貴。盛。為。三。川。守。李。斯。置。酒。於。家。百。官。長。皆。前。  
及。荀。卿。之。語。以。照。後。事。  
為。壽。門。廷。車。騎。以。千。數。李。斯。喟。然。而。歎。曰。嗟。乎。吾。聞。之。  
荀。卿。曰。物。禁。太。盛。夫。斯。乃。上。蔡。布。衣。閭。巷。之。黔。首。上。不。  
知。其。駑。下。遂。擢。至。此。當。今。人。臣。之。位。無。居。臣。上。者。可。謂。



酒就傷者也  
一陷此轍之嘆  
之感嘆

富貴極矣。物極則衰。吾未知所稅駕也。始皇三十七年。

十月行出游會稽並海上。北抵琅邪。丞相斯中車府令

暗伏斯與高沙丘之變共為矯制案

趙高兼行符璽令事皆從。始皇有二十餘子。長子扶蘇

以數直諫。上使監兵上郡。蒙恬為將。少子胡亥愛請

從。上許之。餘子莫從。其年七月。始皇帝至沙丘。病甚。令

趙高為書。賜公子扶蘇曰。以兵屬蒙恬。與喪會咸陽。而

葬。書已封。○橋○制○本○末○未授使者。始皇崩。書及璽皆在。趙高所獨子

胡亥。丞相李斯。趙高及幸宦者五六人。知始皇崩。餘群

臣皆莫知也。○始○皇○病○且○篤○當○召○大○臣○顧○命○而○私○令○趙○高○

○為○書○授○太○子○此○其○所○以○釀○亂○也○天○之○亡○秦○此。李斯以為上在外崩。無真太子。故秘之。置始皇居韞

高似曰真字下得  
咸切四為人主著  
年繼嗣又字之戒



轅車中百官奏事上食如故宦者輒從轅轅車中可諸奏事趙高因留所賜扶蘇璽書而謂公子胡亥曰上崩無詔封王諸子而獨賜長子書長子至即立爲皇帝而

從李斯所建議罷分封中來

子無尺寸之地爲之奈何胡亥曰固也吾聞之明君知

臣明父知子父捐命不封諸子何可言者趙高曰不然

方今天下之權存亡在子與高及丞相耳願子圖之且

夫臣人與見臣於人制人與見制於人豈可同日道哉

胡亥曰廢兄而立弟是不義也不奉父詔而畏死是不

孝也能薄而材謙彊因人之功是不能也三者逆德天

高其人面而鹿食邪

下不服身殆傾危社稷不血食高曰臣聞湯武殺其主



天下稱其義焉。不爲不忠。衛君殺其父。而衛國載其德。孔子著之。不爲不孝。夫大行不小謹。盛德不辭讓。鄉曲各有宜。而百官不同功。故顧小而忘大。後必有害。狐疑猶豫。後必有悔。斷而敢行。鬼神避之。後有成功。願子遂之。胡亥喟然歎曰。今大行未發。喪禮未終。豈宜以此事干丞相哉。趙高曰。時乎。時乎。間不及謀。羸糧躍馬。唯恐後時。胡亥旣然。高之言。高曰。不與丞相謀。恐事不能成。臣請爲子與丞相謀之。高乃謂丞相斯曰。上崩。賜長子書。與喪會咸陽。而立爲嗣。書未行。今上崩。未有知者也。所賜長子書及符璽。皆在胡亥。所定太子。在君侯與高。



高云廢之之議使  
斯不聽高高當為  
靡粉此高輒敢  
後其邪心肆口  
言之而不忌者  
盖必有以窺斯  
之隱矣

高云只以失富貴  
以之蓋深中其  
害要害矣

之口耳事將何如斯曰安得亡國之言此非人臣所當  
議也高曰君侯自料能孰與蒙恬功高孰與蒙恬謀遠  
不失孰與蒙恬無怨於天下孰與蒙恬長子舊而信之  
孰與蒙恬斯曰此五者皆不及蒙恬而君責之何深也  
高曰高固內官之厮役也幸得以刀筆之文進入秦宮  
管事二十餘年未嘗見秦免罷丞相功臣有封及二世  
者也卒皆以誅亡皇帝二十餘子皆君之所知長子剛  
毅而武勇信人而奮士即位必用蒙恬為丞相君侯終  
不懷通侯之印歸於鄉里明矣高受詔教習胡亥使學  
以法事數年矣未嘗見過失慈仁篤厚輕財重士辯於



心而誦於口。盡禮敬士。秦之諸子。未有及此者。可以爲  
嗣君計而定之。斯曰。若其反位。斯奉主之詔。聽天之命。  
何慮之可定也。高曰。安可危也。危可安也。安危不定。何  
以貴。聖斯曰。斯上蔡間巷布衣也。上幸擢爲丞相。封爲  
通侯。子孫皆至尊位重祿者。故將以存亡安危屬臣也。  
豈可負哉。夫忠臣不避死而庶幾。孝子不勤勞而見危。  
人臣各守其職而已矣。君其勿復言。將令斯得罪。高曰。  
蓋聞聖人遷徙無常。就變而從時。見末而知本。觀指而  
覩歸。物固有之。安得常法哉。方今天下之權命。縣於胡  
亥。高能得志焉。且夫從外制中。謂之惑。從下制上。謂之



李斯三嘆

賊故秋霜降者草花落。水搖動者萬物作。此必然之效也。君何見之晚。斯曰。吾聞晉易太子。三世不安。齊桓兄弟爭位。身死而戮。紂殺親戚。不聽諫者。國爲丘墟。遂危社稷。三者逆天。宗廟不血食。斯其猶人哉。安足爲謀。高曰。上下合同。可以長久。中外若一事。無表裏。君聽臣之計。卽長有封侯。世世稱孤。必有喬松之壽。孔墨之智。今釋此而不從。禍及子孫。足以爲寒心。善者因禍爲福。君何處焉。斯到此一點持祿固寵之心。爲高所亂。斯乃仰天而嘆。垂淚太息曰。嗟乎。獨遭亂世。旣以不能死。安託命哉。歎鼠之情。於此畢露。於是斯乃聽高。高乃報胡亥曰。臣請奉太子之明命。以



報丞相丞相斯敢不奉令。於是乃相與謀詐爲受始皇詔。丞相立子胡亥爲太子。更爲書賜長子扶蘇曰。朕巡天下。禱祠名山諸神以延壽命。今扶蘇與將軍蒙恬將師數十萬。以屯邊。十有餘年矣。不能進而前。士卒多耗。無尺寸之功。乃反數上書直言誹謗我所爲。以不得罷歸爲太子。日夜怨望。扶蘇爲人子不孝。其賜劍以自殺。將軍恬與扶蘇居外。不匡正。宜知其謀。爲人臣不忠。其賜死。以兵屬裨將王離。封其書以皇帝璽。遣胡亥客奉書。賜扶蘇於上。郡使者至。發書。扶蘇泣入內舍。欲自殺。蒙恬止扶蘇曰。陛下居外。未立太子。使臣將三十萬衆。



一路寫來哉不知  
雅賓誰主大書  
胡亥斯為本意  
以著三人之陰謀  
或三人之罪狀也

与本紀大同小異  
。按問語全异

守邊公子為監此天下重任也。今一使者來，即自殺。安知其非詐？請復請。復請而後死，未暮也。使者數趣之。扶蘇為人仁，謂蒙恬曰：父而賜子死，尚安復請？即自殺。蒙恬不肯死，使者即以屬吏少蒙恬死一節繫於陽周郡。使者還報胡亥、斯、高大喜，至咸陽發喪。太子立為二世皇帝。以趙高為郎中令，常侍中用事。二世燕居，乃召高與謀事，謂曰：夫人生居世間也，譬猶騁六驥過決隙也。吾既以臨天下矣，欲悉耳目之所好，窮心志之所樂，以安宗廟而樂萬姓，長有天下，終吾年壽，其道可乎？高曰：此賢主之所能行也，而昏亂主之所禁也。臣請言之，不敢避斧鉞之誅。



願陛下少留意焉。夫沙丘之謀，諸公子及大臣皆疑焉。而諸公子盡帝兄，大臣又先帝之所置也。今陛下初立，此其屬意怏怏，皆不服，恐為變。且蒙恬已死，蒙毅將兵居外，臣戰戰栗栗，唯恐不終。且陛下安得為此樂乎？二世曰：「為之奈何？」趙高曰：「嚴法而刻刑，令有罪者相坐誅，至收族滅大臣而遠骨肉，貧者富之，賤者貴之，盡除去先帝之故臣，更置陛下之所親信者近之。」大抵古來權臣新執國彼此此一着翦忌樹恩以為威名此則陰德歸陛下，害除而姦謀塞，群臣莫不被潤澤，蒙厚德。陛下則高枕肆志寵樂矣。計莫出於此。二世然高之言，乃更為法律。更法律於是群臣諸公子有



本紀有將圖  
則有公子高

本紀有將圖  
則有公子高

罪輒下高令鞠治之殺大臣蒙毅等公子十二人僂死咸陽市十公主同碑死於杜財物入於縣官相連坐者不可勝數公子高欲奔恐收族乃上書曰先帝無恙時骨肉自殘至此臣入則賜食出則乘輿御府之衣臣得賜之中厩之寶馬臣得賜之臣當從死而不能為人子不孝為人臣不忠不忠者無名以立于世臣請從死願葬酈山之足唯上幸哀憐之書上胡亥大譏召趙高而示之曰此可謂急乎趙高曰人臣當憂死而不暇何變之得謀胡亥可其書賜錢十萬以葬法令誅罰日益刻深群臣人人自危欲畔者衆又作阿房之宮治直馳道賦歛愈重戍徭



無已。於是楚戍卒陳勝、吳廣等乃作亂。起於山東。傑俊相立。自置爲侯王。叛秦。兵至鴻門。而却李斯。數欲請間。謀二世。不許。而二世責問李斯曰：「吾有私議。而有所聞於韓子也。」曰：「堯之有天下也。堂高三尺。采椽不斲。茅茨不剪。雖逆旅之宿。不勤於此矣。冬日鹿裘。夏日葛衣。粢糲之食。藜藿之羹。飯土匭。啜土鉶。雖監門之養。不彀於此矣。禹鑿龍門。通大夏。疏九河。曲九防。決滹水。致之海。而股無胈。膚毳皮也脛無毛。手足胼胝。面目黎黑。遂以死於外。葬于會稽。臣虜之勞。不烈於此矣。然則夫所貴於有天下者。豈欲苦形勞神。身處逆旅之宿。口食監門之養。



高云六重爵祿  
三字便與兵如  
之為人史業  
嚴如此

手持臣虜之作哉。此不肖人之所勉也。非賢者之所務也。彼賢人之有天下也。專用天下適已而已矣。此所以貴於有天下也。夫所謂賢人者。必能安天下而治萬民。今身且不能利。將惡能治天下哉。故吾願肆志廣欲。長享天下而無害。爲之奈何。李斯子由爲三川守。群盜吳廣等西畧地。過去弗能禁。章邯已破逐廣等兵。使者覆案三川相屬。誚讓斯居三公位。如何令盜如此。李斯恐懼。重爵祿。不知所出。乃阿二世意。欲求容。以書對曰。夫賢主者。必且能全道而行督責之術者也。督責之。則臣不敢不竭能以徇其主矣。此臣主之分。定上下之義。明



則天下賢不肖莫敢不盡力竭任以徇其君矣。是故主獨制於天下而無所制也。能窮樂之極矣。賢明之主也。可不察焉。故申子曰：有天下而不恣睢，命之曰以天下為桎梏者，無他焉，不能督責而顧以其身勞於天下之民，若堯禹然，故謂之桎梏也。夫不能修申韓之明術，行督責之道，專以天下自適也，而徒務苦形勞神，以身徇百姓，則是黔首之役，非畜天下者也。何足貴哉！夫以人徇己，則己貴而人賤；以己徇人，則己賤而人貴。故徇人者賤，而人所徇者貴。自古及今，未有不然者也。凡古之所為尊賢者，為其貴也；而所為惡不肖者，為其賤也。



楊慎曰罰之加焉  
必之字而三助  
語文益矯健渾  
古文少靈字可乎

董份曰妙在特  
解

而堯禹以身徇天下者也。因隨而尊之。則亦失所爲尊  
賢之心矣。夫可謂大繆矣。謂之爲桎梏。不亦宜乎。不能  
督責之過也。故韓子曰。慈母有敗子。而嚴家無格虜。強悍  
黷者何也。則能罰之加焉必也。故商君之法。刑棄灰於  
道者。夫棄灰。薄罪也。而被刑。重罰也。彼唯明主爲能深  
督輕罪。夫罪輕且督深。而况有重罪乎。故民不敢犯也。  
是故韓子曰。布帛尋常。庸人不釋。鑠金百鎰。盜跖不搏。  
者。非庸人之心重。尋常之利深。而盜跖之欲淺也。又不  
以盜跖之行爲輕。百鎰之重也。搏必隨手。刑則盜跖不  
搏。百鎰而罰不必行也。則庸人不釋。尋常是故城高五



丈而樓季不輕犯也。泰山之高百仞，而跛牂牧其上。夫樓季也，而難五丈之限，豈跛牂也，而易百仞之高哉？峭壑之勢異也。明主聖王之所以能久處尊位，長執重勢，而獨擅天下之利者，非有異道也。能獨斷而審督責，必深罰，故天下不敢犯也。今不務所以不犯，而事慈母之，所以敗子也。則亦不察於聖人之論矣。夫不能行聖人之術，則舍爲天下役，何事哉？可不哀邪？且夫儉節仁義之人，斯持祿畏禍，可二世之言至此，誅死而族收之固也。立於朝，則荒肆之樂輟矣。諫說論理之臣，開於側，則流漫之志訕矣。烈士死節之行，顯於世，則滯康之虞廢矣。故明主能外此三者，而獨操主術以制聽從之臣。



高云斯達君之  
惡驕其邪說乃  
一至此趙高般弄  
而殺了君子不以  
憐而以為快矣

而修其明法。故身尊而勢重也。凡賢主者。必將能拂世  
摩俗。而廢其所惡。立其所欲。故生則有尊重之勢。死則  
有賢明之謚也。是以明君獨斷。故權不在臣也。然後能  
滅仁義之塗。掩馳說之口。困烈士之行。塞聰揜明。內獨  
視聽。故外不可傾。以仁義烈士之行。而內不可奪。以諫  
說忿爭之辯。故能犖然獨行。恣睢之心。而莫之敢逆。若  
此。然後可謂能明。申韓之術。而修商君之法。法修術明。  
而天下亂者。未之聞也。故曰王道約而易操也。唯明主  
為能行之。若此。則謂督責之誠。則臣無邪。臣無邪。則天  
下安。天下安。則主嚴尊。主嚴尊。則督責必。督責必。則所



余有一言而載二  
世語見用斯說  
以三秦不獨趙高  
也

求得。求得。則國家富。國家富。則君樂豐。故督責之術。  
設。則所欲無不得矣。群臣百姓。救過不給。何變之敢圖。  
若此。則帝道備。而可謂能明君臣之術矣。雖申韓復生。  
不能加也。書奏。二世說。於是行督責益嚴。稅民深者。為。  
明吏。二世曰。若此。則可謂能督責矣。刑者。相半於道。而。  
死人。日成積於市。殺人眾者。為忠臣。二世曰。若此。則可。  
謂能督責矣。初。趙高為郎中令。所殺及報私怨。眾多。恐。  
大臣入朝奏事。毀惡之。乃說二世曰。太史公十分詳趙高奸惡。摠來摹寫。  
李斯本。天子所以貴者。但以聞聲。群臣莫得見其面。故號。  
曰朕。且陛下富於春秋。未必盡通諸事。今坐朝廷。譴舉。



有不當者則見短於大臣非所以示神明於天下也且  
陛下深拱禁中與臣及侍中習法者待事事來有以揆  
之如此則大臣不敢奏疑事天下稱聖主矣二世用其  
計乃不坐朝廷見大臣居禁中深居禁中趙高常侍中用事事皆  
決於趙高高聞李斯以爲言乃見丞相曰關東群盜多  
今上急發繇治阿房宮聚狗馬無用之物臣欲諫爲位  
賤此直君侯之事君何不諫李斯曰固也吾欲言之久  
矣今時上不坐朝廷上居深宮吾有所言者不可傳也  
欲見無間趙高謂曰君誠能諫請爲君侯上間語君於  
是趙高待二世方燕樂婦女居前使人告丞相上方間



此抄過極初投  
心此投亥忘寫  
高確術十分駭人

敵抵即角抵之戲  
角三材也抵相抵觸也

可奏事丞相至宮門上謁如此者三二世怒曰吾常多  
間日丞相不來吾方燕私丞相輒來請事丞相豈少我  
哉且固我哉趙高因曰如此殆矣夫沙丘之謀丞相與  
焉今陛下已立爲帝而丞相貴不益此其意亦望裂地  
而王矣且陛下不問臣臣不敢言丞相長男李由爲三  
川守楚盜陳勝等皆丞相傍縣之子以故楚盜公行過  
三川城守不肯擊高聞其文書相往來未得其審故未  
敢以聞且丞相居外權重於陛下二世以爲然欲案丞  
相恐其不審乃使人案驗三川守與盜通狀李斯聞之  
是時二世在甘泉方作蔽抵優俳之觀李斯不得見因



疑者勢相均敵也

上書言趙高之短曰臣聞之臣疑其君無不危國妾疑其夫無不危家今有大臣于陛下擅利擅害與陛下無異此甚不便昔者司城子罕相宋身行刑罰以威行之朞年遂劫其君田常爲簡公臣爵列無敵于國私家之富與公家均布惠施德下得百姓上得群臣陰取齊國殺宰予於庭卽弑簡公於朝遂有齊國此天下所明知也今高有邪佚之志危反之行如子罕相宋也私家之富若田氏之于齊也兼行田常子罕之逆道而劫陛下之威信其志若韓玘爲韓安相也陛下不圖臣恐其爲變也二世曰何哉夫高故宦人也然不爲安肆志不以



危易心潔行修善自使至此以忠得進以信守位朕實  
賢之而君疑之何也且朕少失先人無所知識不習治  
民而君又老恐與天下絕矣朕非屬趙君當誰任哉且  
趙君爲人精廉彊力下知人情上能適朕君其勿疑李  
斯曰不然夫高故賤人也無識於理貪欲無厭求利不  
止列勢次主求欲無窮臣故曰殆二世已前信趙高恐  
李斯殺之乃私告趙高高曰丞相所患者獨高高已死  
丞相即欲爲田常所爲於是二世曰其以李斯屬郎中  
令趙高案治李斯李斯拘執束縛居圜圜中仰天而嘆  
曰嗟乎悲夫不道之君何可爲計哉昔者桀殺關龍逢



紂殺王子比干、吳王夫差殺伍子胥。此三臣者，豈不忠哉！然而不免於死，身死而所忠者非也。○今吾智不及三子，而二世之無道過于桀、紂、夫差，吾以忠死，宜矣。且二世之治，豈不亂哉！日者夷其兄弟而自立也，殺忠臣而貴賤人，作爲阿房之宮，賦歛天下，吾非不諫也，而不吾聽也。凡古聖王，飲食有節，車器有數，宮室有度，出令造事，加費而無益於民利者，禁，故能長久治安。今行逆於昆弟，不顧其咎；侵殺忠臣，不思其殃。太爲宮室，厚賦天下，不愛其費；三者已行，天下不聽。今反者已，有天下之半矣，而心尚未寤也，而以趙高爲佐，吾必見寇至咸陽。



麋鹿游於朝也。於是二世乃使高案丞相獄治罪責斯

與子由謀反狀皆收捕宗族賓客

自古以讒賊之言誅功臣。未有不誣以謀

也。反者趙高治斯榜掠千餘不勝痛自誣服斯所以不死

者自負其辯有功實無反心幸得上書自陳幸二世之

悟而赦之李斯乃從獄中上書曰臣爲丞相治民三十

餘年矣逮秦地之狹隘先王之時秦地不過千里兵數

十萬臣盡薄材謹奉法令陰行謀臣資之金玉使游說

諸侯陰修甲兵飾政教官鬪士尊功臣盛其爵祿故終

以脅韓弱魏破燕趙夷齊楚卒兼六國虜其王立秦爲

天子罪一矣地非不廣又北逐胡貉南定百粵以見秦



之彊罪二矣、尊大臣盛其爵位以固其親罪三矣、立社稷脩宗廟以明主之賢罪四矣、更尅畫平斗斛度量文章布之天下以樹秦之名罪五矣、治馳道興游觀以見主之得意罪六矣、緩刑罰薄賦歛以遂主得衆之心萬民戴主死而不忘罪七矣、若斯之爲臣者罪足以死固久矣、上幸盡其能力乃得至今、願陛下察之、書上趙高使吏棄去不奏曰、囚安得上書、趙高使其客十餘輩詐爲御史謁者侍中更往覆訊斯、斯更以其實對、輒使人復榜之。自古權臣以私憾誅大臣大畧倣此而成獄後二世使人驗斯、斯以爲如前終不敢更言辭服、奏當上、二世喜曰、微趙君幾



李斯五嘆

高云只因倉鼠食粟萌一健羨意遂作此種結局

為丞相所賣及二世所使案三川之守至則項梁已擊

殺之使者來會丞相下吏趙高皆妄為反辭○篇中三

身世之感古云貧賤必慕富貴富貴必履危機信哉二世二年七月具斯五刑論

腰斬咸陽市斯出獄與其中子俱執顧謂其中子曰吾

欲與若復牽黃犬俱出上蔡東門逐狡兔豈可得乎遂

父子相哭而夷三族李斯已死二世拜趙高為中丞相

事無大小輒決於高高自知權重乃獻鹿謂之馬二世

問左右此乃鹿也左右皆曰馬也○與本紀參互二世驚自以為惑乃

召太卜令卦之太卜曰陛下春秋郊祀奉宗廟鬼神齋

戒不明故至於此可依盛德而明齋戒於是乃入上林



深居望夷宮

齋戒日游弋獵有行人入上林中二世自射殺之趙高

教其女壻咸陽令閭樂劾不知何人賊殺人移上林高

乃諫二世曰天子無故賊殺不辜人此上帝之禁也鬼

神不享天且降殃當遠避宮以禳之二世乃出居望夷

之宮留三日趙高詐詔衛士令士皆素服持兵內鄉入

告二世曰山東群盜兵大至二世上觀而見之恐懼高

即因劫令自殺引璽而佩之左右百官莫從上殿殿欲

壞者三高自知天弗與羣臣弗許乃召始皇弟授之璽

子嬰即位患之乃稱疾不聽事與宦者韓談及其子謀

殺高高上謁請病因召入令韓談刺殺之夷其三族子

高云此与奉紀不同  
盖史公因所傳同  
之誤而載其說  
如此故奉紀而載正  
史也此後并詳野  
乘耳



始曰竟并天下此  
遂以亡天下文字始  
如此秦并天下也斯  
未必為而有自空  
天下也斯實為罪之  
魁矣

嬰立三月沛公兵從武關入至咸陽羣臣百官皆畔不

適敵音子嬰與妻子自係其頸以組降軹道傍沛公因以

屬吏項王至而斬之遂以亡天下斯之結局

確論

太史公曰李斯以問閭歷諸侯入事秦因以瑕釁以輔

從荀卿李

始皇卒成帝業斯為三公可謂尊用矣斯知六藝之歸

不務明政以補主上之缺持爵祿之重阿順苟合嚴威

酷刑聽高邪說廢適立庶諸侯已畔斯乃欲諫爭不亦

末乎人皆以斯極忠而被五刑死察其本乃與俗議之

異不然斯之功且與周召列矣

李斯畢



史記抄卷之五十六

蒙恬傳

通篇以客形主

蒙恬者其先齊人也恬大父蒙驁自齊事秦昭王官至上卿秦莊襄王元年蒙驁為秦將伐韓取成臯滎陽作置三川郡二年蒙驁攻趙取三十七城始皇三年蒙驁攻韓取十三城五年蒙驁攻魏取二十城作置東郡始皇七年蒙驁卒驁子曰武武子曰恬恬嘗書獄典文學秦法以吏為師名始皇二十三年蒙武為秦裨將軍與臣往往從書獄出始皇二十三年蒙武為秦裨將軍與王翦攻楚大破之殺項燕二十四年蒙武攻楚虜楚王蒙恬弟毅始皇二十六年蒙恬因家世得為秦將攻齊

王維禎曰叙蒙  
見蒙氏世為秦  
將有功不宣殺  
二兄弟



大破之拜為內史

以上次蒙氏世將兵之功。以下暗點蒙恬蒙毅兄弟罪案。

以秦已

并天下乃使蒙恬將三十萬眾北逐戎狄收河南築長

城因地形用險制塞起臨洮至遼東延袤萬餘里於是

渡河據陽山逶蛇而北暴師于外十餘年居上郡是時

蒙恬威振匈奴始皇甚尊寵蒙氏信任賢之而親近蒙

毅位至上卿出則參乘入則御前恬任外事而毅常為

內謀名為忠信故雖諸將相莫敢與之爭焉

讀蒙恬傳首尾詳趙

高所以賊殺蒙氏本末此趙高者諸趙疏遠屬也趙高是太史公極力着意處

昆弟數人皆生隱宮其母被刑慘世世卑賤秦王聞高

彊力通於獄法舉以為中車府令高即私事公子胡亥



伏案

喻之決獄高有大罪秦王令蒙毅法治之毅不敢阿法

蒙氏禍始此

當高罪死除其官籍帝以高之敦敏於事也赦之復其

官爵始皇欲游天下道九原直抵甘泉乃使蒙恬通道

自九原抵甘泉漸山堙谷千八百里道未就始皇三十

七年冬行出游會稽並海上北走琅邪道病使蒙毅還

禱山川未反始皇至沙丘崩秘之群臣莫知是時丞相

李斯少子胡亥中車府令趙高常從高雅得幸於胡亥

欲立之又怨蒙毅法治之而不為已也因有賊心乃與

丞相李斯少子胡亥陰謀立胡亥為太子太子已立遣

使者以罪賜公子扶蘇蒙恬死扶蘇已死蒙恬疑而復

余有丁曰按蒙毅  
在沙丘斯為謀不  
成遣禱山川以冀之  
亡秦也



請之使者以蒙恬屬吏更置胡亥以李斯舍人爲護軍  
使者還報胡亥已聞扶蘇死卽欲釋蒙恬趙高恐蒙氏  
復貴而用事怨之毅還至趙高因爲胡亥忠計欲以滅  
蒙氏乃言曰臣聞先帝欲舉賢立太子久矣而毅諫曰  
不可若知賢而愈不立則是不忠而惑主也以臣愚意  
不若誅之胡亥聽而繫蒙毅於代前已囚蒙恬於陽周  
喪至咸陽已葬太子立爲二世皇帝而趙高親近日夜  
毀惡蒙氏求其罪過舉劾之子嬰進諫曰臣聞故趙王  
遷殺其良臣李牧而用顔聚燕王喜陰用荊軻之謀而  
倍秦之約齊王建殺其故世忠臣而用后勝之議此三



語以隨口而對化  
不彫琢始奇氣  
自澹

君者皆各以變古者失其國而殃及其身今蒙氏秦之  
大臣謀士也而主欲一旦棄去之臣竊以爲不可臣聞  
輕慮者不可以治國獨智者不可以存君誅殺忠臣而  
立無節行之人是內使群臣不相信而外使鬪士之意  
離也臣竊以爲不可胡亥不聽而遣御史曲宮乘傳之  
代令蒙毅曰先主欲立太子而卿難之今丞相以卿爲  
不忠罪及其宗朕不忍乃賜卿死亦甚幸矣卿其圖之  
毅對曰以臣不能得先主之意則臣少宦順幸沒世可  
謂知意矣以臣不知太子之能則太子獨從周旋天下  
去諸公子絕遠臣無所疑矣夫先主之舉用太子數年



之積也臣乃何言之敢諫何慮之敢謀非敢飾辭以避

大夫指使者御史曲官其傳奏于王亮赦之也

死也爲羞累先主之名願大夫爲慮焉使臣得死情實

且夫順成全者道之所貴也刑殺者道之所卒也昔者

秦穆公殺三良而死罪百里奚而非其罪也故立號曰

繆昭襄王殺武安君白起楚平王殺伍奢吳王夫差殺

伍子胥此四君者皆爲大失而天下非之以其君爲不

明以是籍於諸侯故曰用道治者不殺無罪而罰不加

於無辜惟大夫留心使者知胡亥之意不聽蒙毅之言

遂殺之二世又遣使者之陽周令蒙恬曰君之過多矣

而卿弟毅有大罪法及內史恬曰自吾先人及至子孫



積功信於秦三世矣。今臣將兵三十餘萬，身雖囚繫，其勢足以倍畔。自知必死而守義者，不敢辱先人之教，以不忘先主也。昔周成王初立，未離襁緥，周公旦負王以朝，卒定天下。及成王有病，甚殆，公且自揃其爪以沈於河。曰：「王未有識，是旦執事有罪，殃旦受其不祥。」乃書而藏之記府，可謂信矣。及王能治國，有賊臣言：「周公旦欲爲亂久矣。」王若不備，必有大事。王乃大怒，周公旦走而奔於楚。成王觀於記府，得周公旦沈書，乃流涕曰：「孰謂周公旦欲爲亂乎？」殺言之者而反。周公旦故周書曰：「必參而伍之。」今恬之宗世無二心而事卒如此，是必孽臣



逆亂內陵之道也

蒙恬分明知道趙高所為而不夫成敢訟特曰參而伍之無限哽咽

王失而復振則卒昌桀殺關龍逢紂殺王子比干而不悔則身死國亡臣故曰過可振而諫可覺也察於參伍上聖之法也凡臣之言非以求免於咎也將以諫而死願陛下為萬民思從道也使若者曰臣受詔行法於將軍不敢以將軍言聞於上也蒙恬喟然太息曰我何罪於天無過而死乎良久徐曰恬罪固當死矣起臨洮屬之遼東城漸萬餘里此其中不能無絕地脈哉此乃恬之罪也乃吞藥自殺

此與白起以坑降卒為已罪同其實以已也

太史公曰吾適北邊自直道歸行觀蒙恬所為秦築長



城亭障、蹙山堙谷、通直道、固輕百姓力矣。夫秦之初滅  
責恬有大体諸侯、天下之心未定、痍傷者未瘳、而恬爲名將、不以此  
時彊諫、振百姓之急、養老存孤、務修衆庶之和、而阿意  
興功、此其兄弟遇誅、不亦宜乎？何乃罪地脈哉？

蒙恬畢







史記抄卷之五十七

張耳陳餘傳

漢書更工。此篇於張耳陳餘之交為精神眼目。故其始為刎頸交。其後

瑕釁相殺。處甚工。

張耳者大梁人也。其少時及魏公子毋忌為客。張耳嘗亡命游外黃。外黃富人女甚美。嫁庸奴亡其夫。去抵父客。父客素知張耳。乃謂女曰。必欲求賢夫。從張耳。女聽乃卒。為請決嫁之。張耳。張耳是時脫身游女家。厚奉給張耳。張耳以故致千里客。乃宦魏為外黃令。名由此益賢。

陳餘者亦大梁人也。好儒術。數游趙。苦陘富人公乘氏。



以其女妻之。亦知陳餘非庸人也。餘年少。父事張耳。兩

一篇桂子

人相與為刎頸交。秦之滅大梁也。張耳家外黃。高祖為

暗伏從漢案

布衣時。嘗數從張耳游。客數月。秦滅魏。數歲已聞此兩

便見優劣

人。魏之名士也。購求有得張耳千金。陳餘五百金。張耳

陳餘乃變名姓。俱之陳。為里監門。以自食。兩人相對里

王維頓曰秦購  
求之金有多寡  
此後成敗之別也

吏嘗有過。笞陳餘。陳餘欲起。張耳躡之。使受笞。吏去。張

何等情悃

耳乃引陳餘之桑下。而數之曰。始吾與公言何如今見

小辱而欲死一吏乎。陳餘然之。秦詔書購求兩人。兩人

亦反用門者以令里中。陳涉起。斬至入陳。兵數萬。張耳

陳餘上謁陳涉。涉及左右生平數聞張耳陳餘賢。未嘗

太史公以此不問  
非漫語



高云此時自王  
未為不可蓋以正  
起王則不足令  
往眾也但立六  
為此時要着  
聽為可惜耳  
不立六國必  
國平豈不自  
所以不能急  
共滅以安  
使時早  
則美  
歸之  
王而  
歸之

見見即大喜。陳中豪桀父老乃說陳涉曰：將軍身被堅執銳，率士卒以誅暴秦，復立楚社稷，存亡繼絕，功德宜為王。且夫監臨天下，諸將不為王，不可。願將軍立為楚王也。陳涉問此兩人，兩人對曰：夫秦為無道，破人國家，滅人社稷，絕人後世，罷百姓之力，盡百姓之財，將軍瞋目張膽，出萬死，不顧一生之計，為天下除殘也。今始至陳而王之，示天下私，願將軍毋王，急引兵而西，遣人立六國後，自為樹黨，為秦益敵也。敵多則力分，與眾則兵彊。如此，野無交兵，縣無守城，誅暴秦，據咸陽，以令諸侯，亡而得立，以德服之。如此，則帝業成矣。今獨王陳。

匹夫當草昧時須如此做手



恐天下解也。酈其於漢三年亦說漢王立六國後以撓

楚權而子房以為不可細思之陳涉始亂

可也。而漢三年則秦已滅矣。而兩爭天下者特劉項耳。

故不可。天下之勢如奕局。然一着先後之間便異也。

陳涉不聽。遂立為王。陳餘乃復說陳王曰。大王舉梁楚

而西。務在入關。未及收河北也。臣嘗游趙。知其豪桀及

地形。願請奇兵北畧趙地。於是陳王以故所善陳人武

臣為將軍。邵騷為護軍。以張耳陳餘為左右校尉。予卒

三千人。北畧趙地。武臣等從白馬渡河。至諸縣。說其豪

桀曰。秦為亂政虐刑。以殘賊天下數十年矣。北有長城

之役。南有五嶺之戍。外內騷動。百姓罷敝。頭會箕歛。以

供軍費財。匱力盡。民不聊生。重之以苛法峻刑。使天下

頭箕子。是喻  
以是書箕厚  
征意服度解太  
解



父子不相安。陳王奮臂爲天下倡。始王楚之地方二千  
里。莫不響應。家自爲怒。人自爲鬪。各報其怨而攻其讐。  
縣殺其令。丞郡殺其守尉。今已張大楚王陳。使吳廣周  
文將卒百萬。西擊秦。于此時而不成。封侯之業者。非人  
豪也。諸君試相與計之。夫天下同心而苦秦久矣。因天  
下之力而攻無道之君。報父兄之怨。而成割地有土之  
業。此士之一時也。豪桀皆然。其言乃行。收兵得數萬人。  
號武臣爲武信君。下趙十城。餘皆城守。莫肯下。乃引兵  
東北。擊范陽。范陽人蒯通說范陽令曰。竊聞公之將死  
故。吊。雖然。賀公得通而生。范陽令曰。何以吊之。對曰。秦



法重足下爲范陽令十年矣。殺人之父，孤人之子，斷人之足，黥人之首，不可勝數。然而慈子莫敢傳音載以刃公之腹中者，畏秦法耳。今天下大亂，秦法不施，然則慈父孝子且傳刃公之腹中，以成其名。此臣之所以吊公也。今諸侯畔秦矣，武信君兵且至，而君堅守范陽，少年皆爭殺君，下武信君。君急遣臣見武信君，可轉禍爲福在今矣。范陽令乃使蒯通見武信君，曰：「足下必將戰勝，然後畧地，攻得然後下城。臣竊以爲過矣。誠聽臣之計，可不攻而降城，不戰而畧地，傳檄而千里定，可乎？」武信君曰：「何謂也？」蒯通曰：「今范陽令宜整頓其士卒以守戰。」



由直至見壯由峻  
至見奇

者也。怯而畏死，貪而重富貴，故欲先天下降。通說：范陽令開其  
所畏，說武信畏君，以為秦所置吏，誅殺如前十城也。然  
今范陽少年亦方殺其令，自以城距君，君何不齎臣侯  
印，拜范陽令？范陽令則以城下君，少年亦不敢殺其令。  
今范陽令乘朱輪華轂，使驅馳燕趙郊，見之，皆  
曰：「此范陽令先下者也，即喜矣。」燕趙城可毋戰而降也。  
此臣之所謂傳檄而千里定者也。武信君從其計，因使  
蒯通賜范陽令侯印。趙地聞之，不戰以城下者三十餘  
城。至邯鄲，張耳、陳餘聞周章軍入關，至戲却。又聞諸將  
為陳王徇地，多以讒毀得罪，誅怨陳王，不用其策，不以



董卿曰又不如者言  
陳王私其兄弟以為  
欲立趙也則不如兄  
弟也

為將而以為校尉。乃說武臣曰：陳王起蕪，至陳而王。非  
必立六國後將軍。今以三千人下趙數十城，獨介居河  
北，不王，無以填之。且陳王聽讒，還報恐不脫於禍。又不  
如立其兄弟，不即立趙後將軍，毋失時。時間不容息。武  
臣乃聽之，遂立為趙王。以陳餘為大將軍，張耳為右丞  
相，邵騷為左丞相。使人報陳王。陳王大怒，欲盡族武臣  
等家。而發兵擊趙。陳王相國房君諫曰：秦未亡而誅武  
臣等家，此又生一秦也。不如因而賀之，使急引兵西擊  
秦。陳王然之，從其計。徙繫武臣等家宮中，封張耳子敖  
為成都君。陳王使使者賀趙，令趣發兵西入關。張耳陳



斯取新者亦三人者也以詞  
相告曰謝其舍中苦其舍  
中人也

餘說武臣曰兩人之計工矣非陳涉始相與起斬意王王趙非楚意特以  
計賀王楚已滅秦必加兵於趙願王毋西兵北徇燕代  
南收河內以自廣趙南據大河北有燕代楚雖勝秦必  
不敢制趙趙王以為然因不西兵而使韓廣畧燕李良  
畧常山張廩畧上黨韓廣至燕燕人因立廣為燕王趙  
王乃與張耳陳餘北畧地燕界趙王間出為燕軍所得  
燕將囚之欲與分趙地半乃歸王使者往燕輒殺之以  
求地張耳陳餘患之有廝音斯養卒謝其舍中曰吾為公說  
燕與趙王載歸舍中皆笑曰使者往十餘輩輒死若何  
以能得王乃走燕壁燕將見之問燕將曰知臣何欲燕



將曰若欲得趙王耳曰君知張耳陳餘何如人也燕將  
曰賢人也曰知其志何欲曰欲得其王耳趙養卒乃笑  
曰君未知此兩人所欲也夫武臣張耳陳餘杖馬箠下  
趙數十城此亦各欲南面而王豈欲爲卿相終已邪夫  
臣與主豈可同日而道哉顧其勢初定未敢參分而王  
且以少長先立武臣爲王以持趙心今趙地已服此兩  
人亦欲分趙而王時未可耳今君乃囚趙王此兩人名  
爲求趙王實欲燕殺之此兩人分趙自立夫以一趙尚  
易燕况以兩賢王左提右挈而責殺王之罪滅燕易矣  
燕將以爲然乃歸趙王養卒爲御而歸李良已定常山



還報趙王復使良畧太原至石邑秦兵塞井陘未能前  
秦將詐稱二世使人遺李良書不封曰良嘗事我得顯  
幸良誠能反趙爲秦赦良罪貴良良得書疑不信乃還  
之邯鄲益請兵詳未至道逢趙王姊出飲從百餘騎李良  
望見以爲王伏謁道旁王姊醉不知其將使騎謝李良  
李良素貴起慙其從官從官有一人曰天下畔秦能者  
先立且趙王素出將軍下今女兒乃不爲將軍下車請  
追殺之李良已得秦書固欲反趙未決因此怒遣人追  
殺王姊道中乃遂將其兵襲邯鄲邯鄲不知竟殺武臣  
邵騷趙人多爲張耳陳餘耳目者以故得脫出收其兵



得數萬人

李良之躁險若此而耳餘方佐武臣何客有以輕授之兵而令畧地常山太原哉

說張耳曰兩君羈旅而欲附趙難獨立立趙後扶以義

可就功乃求得趙歇立為趙王居信都李良進兵擊陳

餘陳餘敗李良李良走歸章邯章邯引兵至邯鄲皆徙

其民河內夷其城郭

平也以上摹寫兩人之交以指悉其相殺木末

張耳與趙

王歇走入鉅鹿城王離圍之陳餘北收常山兵得數萬

人軍鉅鹿北章邯軍鉅鹿南棘原築甬道屬河餉王離

王離兵食多急攻鉅鹿鉅鹿城中食盡兵少張耳數使

人召前陳餘陳餘自度兵少不敵秦不敢前數月張耳

大怒怨陳餘使張騫陳澤往讓陳餘曰始吾與公為刎

覆前秦



必如公言四字寫得  
一肚皮不捨處說  
不并交極云死固無  
益今言依此云云  
故下直接の役二  
字

頸交。今王與耳日暮且死。而公擁兵數萬。不肯相救。安  
在其相為死。苟必信。胡不赴秦軍。俱死。且有十一二相  
全。陳餘曰。吾度前終不能救趙。徒盡亡軍。且餘所以不  
俱死。欲為趙王張君報秦。今必俱死。如以肉委餓虎。何  
益。張廩陳澤曰。事已急。要以俱死立信。安知後慮。陳餘  
曰。吾死。顧以為無益。必如公言。乃使五千人。令張廩陳  
澤先嘗秦軍。至皆沒。鉅鹿之戰。詳項羽本紀。而此處獨  
詳餘所以不敢為前救鉅鹿處。以  
通篇只欲摹寫兩人之  
故精神獨注於此當是時。燕齊楚聞趙急。皆來救。  
張敖亦北收代兵。得萬餘人。來皆壁餘旁。未敢擊秦。項  
羽兵數絕章邯甬道。王離軍乏食。項羽悉引兵渡河。遂



乃使乃敢乃得  
寫出煩難寫  
出僥倖

高曰此客見利忘義  
而耳後之言遂佩  
符印史公贊涉祿  
所由與秦伯延陵  
耳耳蓋指耳耳  
言也

破章耶章耶引兵解諸侯軍乃敢擊圍鉅鹿秦軍遂虜  
王離涉間自殺卒存鉅鹿者楚力也於是趙王歇張耳  
乃得出鉅鹿謝諸侯張耳與陳餘相見責讓陳餘以不  
肯救趙及問張歷陳澤所在陳餘怒曰張歷陳澤以必  
死責臣臣使將五千人先嘗秦軍皆沒不出張耳不信  
以爲殺之數問陳餘陳餘怒曰不意君之望也怨臣深也  
豈以臣爲重也惜去將哉乃脫解印綬推予張耳張耳亦  
愕不受陳餘起如廁客有說張耳曰臣聞天與不取反  
受其咎今陳將軍與君印君不受反天不祥急取之張  
耳乃佩其印收其麾下而陳餘還亦望張耳不讓遂趨

詳先後情本意張耳先負陳餘

怨



出張耳遂收其兵。陳餘獨與麾下所善數百人。之河上澤中漁獵。由此陳餘張耳遂有郤也。或問張耳之出鉅鹿救可乎。予應之曰。兵必得算勝而動。秦兵之振懼天下也久矣。當是時。章邯王離以兩軍相為犄角。其勢張而諸侯之兵。壁其旁者衆。並不敢前。闕且張敖以子赴父之難。亦從代來。姑逡巡觀望其間。嚮非項羽之擁兵數十萬。而破釜沉舟。以督戰鉅鹿之下。則其解趙之圍與否。未知何如也。而迺欲以遽過餘。可乎哉。餘惟携張敖流涕而告之耳。未必不釋也。怏怏不勝起而推趙王印解綬。則過矣。兩人者。刎頸之交。卒以相殺。悲夫。趙王歇復居信都。張耳從項羽。諸侯入關。漢元年二月。項羽立諸侯王。張耳雅游。譽稱人多爲之言。項羽亦素數聞張耳賢。乃分趙立張耳爲常山王。治信都。信都更名襄國。楚之王諸侯不平。豈特張耳一人哉。陳餘之客及陳餘自怒。獨指及張耳。以兩人釁深於生平之交。故也。此是



太史公點綴精神處

陳餘客多說項羽曰陳餘張耳一體有功於

趙項羽以陳餘不從入關聞其在南皮即以南皮旁三

縣以封之而徙趙王歇王代都代縣也張耳之國陳餘愈益

怒曰張耳與餘功等也今張耳王餘獨侯此項羽不平

及齊王田榮畔楚陳餘乃使夏說說田榮曰項羽爲天

下宰不平盡王諸將善地徙故王王惡地今趙王乃居

代願王假臣兵請以南皮爲扞蔽田榮欲樹黨於趙以

反楚乃遣兵從陳餘陳餘因悉三縣兵襲常山王張耳

張耳敗走念諸侯無可歸者曰漢王與我有舊故而項

羽又彊立我我欲之楚甘公曰漢王之入關五星聚東



井東井者秦分也。先至必霸。楚雖彊，後必屬漢。故耳走漢。漢王亦還定三秦，方圍章邯廢丘。張耳謁漢王。漢王厚遇之。陳餘已敗張耳，皆復收趙地，迎趙王於代，復爲趙王。趙王德陳餘，立爲代王。陳餘爲趙王弱國，初定不之國。留傳趙王，而使夏說以相國守代。漢二年，東擊楚，使使告趙，欲與俱。陳餘曰：「漢殺張耳，乃從。於是漢王求人，類張耳者，斬之，持其頭遺陳餘。」陳餘乃遣兵助漢。漢之敗於彭城西，陳餘亦復覺張耳不死，即背漢。漢三年，韓信已定魏地，遣張耳與韓信擊破趙井陘，斬陳餘。泚音祗水。上一篇局追殺趙王歇。襄國漢立張耳爲趙王。漢五年，張耳



此時不宜稱為祖  
漢書改為高皇  
帝最是曰王維振  
耳此亦史者追稱之

薨謚為景王子敖嗣立為趙王高祖長女魯元公主為  
趙王敖后漢七年高祖從平城過趙趙王朝夕袒裼蔽  
自上食禮甚卑有子壻禮高祖箕倨詈甚慢易之趙相  
貫高趙午等年六十餘故張耳客也生平為氣乃怒曰  
吾王孱王也說王曰夫天下豪桀並起能者先立今王  
事高祖甚恭而高祖無禮請為王殺之張敖齧其指出  
血曰君何言之誤且先人亡國賴高祖得復國德流子  
孫秋毫皆高祖力也願君無復出口貫高趙午等十餘  
人皆相謂曰乃吾等非也吾王長者不倍德且吾等義  
不辱今怨高祖辱我王故欲殺之何乃洿王為乎令事



足言叙一番佈  
置簡便詳其置  
驛通也

成歸王事敗獨身坐耳漢八年上從東垣還過趙貫高  
等乃壁人柏人要之置上過欲宿心動問曰縣名為何  
曰柏人柏人者迫於人也不宿而去漢九年貫高怨家  
知其謀乃上變告之於是上皆并逮捕趙王貫高等十  
餘人皆爭自剄貫高獨怒罵曰誰令公為之今王實無  
謀而并捕王公等皆死誰白王不反者乃輜車膠致與  
王詣長安治張敖之罪上乃詔趙群臣賓客有敢從王  
皆族貫高與客孟舒等十餘人皆自髡鉗為王家奴從  
來貫高至對獄曰獨吾屬為之王實不知吏治榜笞數  
千刺劓身無可擊者終不復言呂后數言張王以魯元



只九字作三句寫  
得傾倒嘆服神  
情早露  
情狀宛然

此王審出乎欣  
喜踴躍情已聲  
色可見如生

公主故不宜有此○貫高之義不肯君高上怒曰使張  
敖據天下豈少而女乎不聽廷尉以貫高事辭聞上曰  
壯士誰知者以私問之中大夫泄公曰臣之邑子素知  
之此固趙國立名義不侵為然諾者也上使泄公持節  
問之音報復與前仰視曰泄公邪泄公勞苦如生平驩與語  
問張王果有計謀否高曰人情寧不各愛其父母妻子  
乎今吾三族皆以論死豈以王易吾親哉顧為王實不  
反獨吾等為之具道本指所以為者王不知狀於是泄  
公入具以報上乃赦趙王上賢貫高為人能立然諾使  
泄公具告之曰張王已出因赦貫高貫高喜曰吾王審



多一泄公曰是一項  
再說也正寫當時情事

出乎泄公曰然泄公曰上多足下故赦足下貫高曰所以不死一身無餘者白張王不反也今王已出吾責已塞死不恨矣且人臣有篡弑之名何面目復事上哉縱上不殺我我不愧於心乎乃仰絕吭遂死當此之時名聞天下張敖已出以尚魯元故封為宣平侯於是上賢張王諸客以鉶奴從張王入關無不為諸侯相郡守者及孝惠高后文帝孝景時張王客子孫皆得為二千石張敖高后六年薨子偃為魯元王以母呂后女故呂后封為魯元王元王弱兄弟少乃封張敖他姬子二人壽為樂昌侯侈為信都侯高后崩諸呂無道大臣誅之而廢



魯元王及樂昌侯信都侯孝文帝即位復封故魯元王  
偃為南宮侯續張氏

太史公曰張耳陳餘世傳所稱賢者其賓客廝役莫非  
天下俊桀所居國無不取卿相者然張耳陳餘始居約  
時相然信以死豈顧問哉及據國爭權卒相滅亡何鄉  
者相慕用之誠後相倍之戾也豈非以利哉名譽雖高  
賓客雖盛所由殆與太伯延陵季子異矣

太史公一篇本意

嘆息有味

張耳陳餘傳畢















